

Broj: 04-2-846-1/24

Datum: 15.04.2024. godine

U skladu sa članom 123. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22), članom 256. Statuta Univerziteta u Sarajevu (broj: 01-14-35-1/23 od 26. 07. 2023. godine), Komisija za pripremanje prijedloga za izbor u akademsko zvanje **DOCENT za naučne oblasti „Radiološke tehnologije u nuklearnoj medicini“** i „Radiološke tehnologije u radiodijagnostici“ na Univerzitetu u Sarajevu – Fakultetu zdravstvenih studija, na konstituirajućoj sjednici, održanoj 15.04.2024. godine, donosi

POSLOVNIK O RADU

Komisije za pripremanje prijedloga za izbor u akademsko zvanje DOCENT za naučne oblasti „Radiološke tehnologije u nuklearnoj medicini“ i „Radiološke tehnologije u radiodijagnostici“ na Univerzitetu u Sarajevu – Fakultetu zdravstvenih studija

I OPŠTE ODREDBE

Član 1.

(Predmet Poslovnika)

Ovim Poslovnikom uređuje se način rada Komisije za pripremanje prijedloga za izbor u akademsko zvanje **DOCENT za naučne oblasti „Radiološke tehnologije u nuklearnoj medicini“** i „Radiološke tehnologije u radiodijagnostici“ na Univerzitetu u Sarajevu – Fakultetu zdravstvenih studija, po konkursu objavljenom 15. 03. 2024. godine u dnevnom listu „Dnevni avaz“, te na web stranicama Univerziteta u Sarajevu, Univerziteta u Sarajevu – Fakulteta zdravstvenih studija i JU „Služba za zapošljavanje Kantona Sarajevo“ Sarajevo.

Član 2.

(Postupanje Komisije)

Komisija iz člana 1. ovog Poslovnika dužna je postupati u skladu sa odredbama Zakona o visokom obrazovanju („Službene novine Kantona Sarajevo“, broj 36/22), Zakona o naučnoistraživačkoj djelatnosti („Službene novine Kantona Sarajevo“, broj 26/16), Statuta Univerziteta u Sarajevu (broj: 01-14-35-1/23 od 26. 07. 2023. godine), Smjernica i kriterija za način vrednovanja uvjeta za izbore u akademska zvanja i Odlukom o imenovanju Komisije broj: 04-1-802/24 od 05. 04. 2024. godine.

Član 3.

(Načela rada Komisije)

Komisija je u svom radu nezavisna i nepristrasna, te je dužna pridržavati se načela javnosti i zakonitosti. Načelo javnosti podrazumijeva da Dekan i Vijeće Fakulteta u toku cijelog postupka imaju pravo uvida u rad Komisije, kao i da sve zainteresovane strane imaju pravo na informaciju o fazi postupka do okončanja postupka. Načelo zakonitosti podrazumijeva da je Komisija dužna u svom radu pridržavati se zakonskih i podzakonskih akata definisanih članom 2. Poslovnika.

Član 4.

(Način sazivanja sastanaka)

Komisija održava sastanke koje saziva i njima predsjedava predsjednik Komisije. Svaki član Komisije može inicirati održavanje sastanka. Sazivanje sastanka Komisije vrši se pismenim putem ili usmeno. Sastanak Komisije održava se kada se ukaže potreba za istim.

Član 5.
(Rad Komisije)

Komisija je obavezna, na konstituirajućoj sjednici, usvojiti poslovnik o radu, kojim će se urediti način rada i odlučivanja Komisije.

Na konstituirajućoj sjednici Komisije iz stava (1) stručna služba Fakulteta dužna je prisustvovati otvaranju pristiglih prijava i konstatirati njihovu potpunost (urednost) u skladu sa konkursom, o čemu stručna služba Fakulteta izdaje odgovarajuću potvrdu, koja čini sastavni dio izvještaja Komisije.

Komisija će preuzeti kompletnu konkursnu dokumentaciju, a koju će joj uz Potvrdu o urednosti i blagovremenosti pristiglih prijava na konkurs, dostaviti Stručna služba Fakulteta.

Komisija je u obavezi da dostavi izvještaj sa prijedlogom dekanatu Fakulteta u elektronskoj formi (CD) i tvrdoj kopiji (tri potpisana originalna primjerka).

Komisija je obavezna ispuniti sve svoje obaveze prema Odluci o imenovanju a u skladu sa Zakonom i Statutom.

Komisija djeluje od donošenja odluke o imenovanju do usvajanja Izvještaja na sjednici Senata Univerziteta u Sarajevu.

Predsjednik Komisije ima obavezu biti na raspolaganju za eventualna pitanja i pojašnjenja koja može tražiti Vijeće Fakulteta.

Član 6.
(Kriteriji koje razmatra Komisija)

Prilikom sačinjavanja izvještaja s prijedlogom za izbor u zvanje, Komisija će prioriteto razmatrati slijedeće uslove za izbor definisane članom 112. stav d) Zakona o visokom obrazovanju („Službene novine Kantona Sarajevo“, broj: 36/22):

docent: naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka.

Član 7.
(Dodatni kriteriji)

Kao dodatne kriterije za vrednovanje najboljeg kandidata prilikom pripremanja prijedloga za izbor u akademsko zvanje, Komisija za pripremanje prijedloga za izbor u akademsko zvanje će posebno bodovati:

1. Broj naučnih radova objavljenih u priznatim publikacijama – u odnosu na tri naučna rada predviđena članom 112. Zakona o visokom obrazovanju (“Sl. novine Kantona Sarajevo”, broj: 36/22) **1-10 bodova**

2. Radovi objavljeni u relevantnim naučnim bazama podataka

a) Web of Science **5 bodova**

b) Scopus **3 boda**

c) druge relevantne naučne baze podataka **1 bod**

3. Učešće u projektu:

a) voditelj projekta **5 bodova**

b) član **3 boda**

4. objavljene knjige 2 boda

Predloženo bodovanje kandidata se primjenjuje samo ako je na konkurs prijavljeno dva ili više kandidata pri čemu se daje prednost kandidatu sa većim brojem bodova ukoliko su zadovoljeni minimalni kriteriji definisani Zakonom o visokom obrazovanju i Statutom Univerziteta u Sarajevu.

Član 8.
(Pristupno/ogledno predavanje)

(1) Kandidat za izbor u akademsko zvanje docenta koji nije sudjelovao u realizaciji nastavnog procesa, odnosno kandidat koji nije imao izbor u zvanje asistent/viši asistent, a koji ispunjava sve uvjete za izbor, obavezan je da održi pristupno/ogledno predavanje iz naučne oblasti za koju je konkurirao.

(2) Pristupno/ogledno predavanje održava se pred studentima fakulteta na kojem se provodi postupak izbora i Komisijom za pripremanje prijedloga za izbor i o tome se sačinjava izvještaj.

(3) Pristupno/ogledno predavanje održava se za studente one akademske godine (odnosno usmjerenja) na kojoj se izučava nastavni predmet ili naučno polje/grana.

(4) Ukoliko neki od članova Komisije iz stava (2) ovog člana iz opravdanih razloga bude spriječen da prisustvuje pristupnom/oglednom predavanju kandidata, vijeće fakulteta imenovat će njegovog zamjenika prema istim uvjetima kao i za imenovanje člana Komisije.

(5) Temu pristupnog predavanja odabire kandidat na osnovu liste prema nastavnom planu za oblast koju se bira. Odluku o listi tema, vremenu i mjestu održavanja pristupnog predavanja donosi Komisija za pripremanje prijedloga za izbor i javno oglašava na internet stranici članice Univerziteta.

(6) Uspješnost pristupnog/oglednog predavanja kandidata ocjenjuje Komisija za pripremanje prijedloga za izbor uzimajući u obzir rezultate ocjene predavanja od studenata.

(7) Studenti daju ocjenu o pristupnom/oglednom predavanju kojem su prisustvovali na temelju vrednovanja sposobnosti kandidata da izloži materiju iz ugla razumljivosti i metodološke prilagođenosti slušaocima i tu ocjenu uvažava Komisija i sastavni je dio izvještaja koji se dostavlja vijeću fakulteta.

(8) Minimalan broj studenata pred kojima će se provesti pristupno predavanje je 5. U slučaju da uslov nije ispunjen, Komisija je obavezna utvrditi novi termin i isti oglasiti na predviđen način.

Član 9.

Cijeneći kriterije definisane Zakonom o visokom obrazovanju, Komisija provjerava da li kandidat ispunjava uslove za izbor u akademsko zvanje, te na osnovu objektivnih kriterija donosi ocjenu i Vijeću Fakulteta podnosi prijedlog za izbor.

Član 10.

(Izvještaj Komisije za izbor u zvanje)

Komisija za pripremanje prijedloga za izbor u zvanje obavezna je pisani izvještaj sa prijedlogom za izbor u zvanje dostaviti vijeću putem protokola organizacione jedinice u skladu sa tekstom raspisanog konkursa i aktom o imenovanju komisije i to u roku od 30 dana od datuma imenovanja, a u svakom slučaju u roku koji ne smije biti duži od roka predviđenog Zakonom o visokom obrazovanju (član 124. stav 1).

Komisija utvrđuje prijedlog većinom glasova, s tim da svaki član komisije ima pravo da izdvoji i obrazloži svoje mišljenje.

Komisija je dužna pridržavati se rokova za pripremu, izradu i dostavu izvještaja i svako prekoračenje rokova za izradu izvještaja iz prethodnog stava ovog člana smatrat će se težom povredom radnih obaveza.

Član 11.

(Završne odredbe)

Za sva pitanja koja nisu regulisana ovim poslovníkom, primjenjivat će se odredbe zakona i podzakonskih akata koji se odnose na rad Komisije.

Član 12.

(Stupanje na snagu)

Ovaj poslovnik stupa na snagu danom donošenja.

Sarajevo, 15.04.2024. godine

Komisija u sastavu:



